



# basic education

Department:  
Basic Education  
**REPUBLIC OF SOUTH AFRICA**

## **NATIONAL SENIOR CERTIFICATE**

**IGREYIDI 12**

**ISINDEBELE ILIMI LESIBILI LOKWENGEZA (SAL)**

**IPHEPHA LESIBILI (P2)**

**NOVEMBA 2022**

**IMITLOMELO: 40**

**ISIKHATHI: Iri-1½**

**Iphepheli linamakhasi ali-9.**

**YELELA**

1. Phendula imibuzo ngenchwadi EYODWA oyifundileko.
2. Iphepheli LINEENGABA EZIMBILI:  
  
ISIGABA A: Iindaba ezifitjhani (40)  
ISIGABA B: Iinolwana (40)
3. Khetha ISIGABA SINYE.  
  
ISIGABA A: IINDABA EZIFITJHANI.  
Phendula imibuzo YOMIBILI.  
  
ISIGABA B: IINOLWANA.  
Phendula imibuzo YOMIBILI.
4. Landela imiyalo onikelwe yona ekuthomeni kwaleso naleso sigaba ngokuyelela okukhulu.
5. Tlola iinomboro zeempendulo njengombana zinjalo ephepheni lemibuzo.
6. Thalela emva kokuqeda umbuzo.
7. Isikhathi esiphakanyisweko sokuphendula isigaba ngasinye:  
  
ISIGABA A: Pheze imizuzu ema-(2 x 45) 90  
ISIGABA B: Pheze imizuzu ema-(2 x 45) 90
8. Tlola ngesandla esihle nesibonakalako.

**ISIGABA A: IINDABA EZIFITJHANI****TJHEJA:**

- Isigabesi sinemibuzo EMIBILI, UMBUZO 1 noMBUZO 2.
- Phendula IMIBUZO YOMIBILI.

**UZANGENZANI – DM Jiyana nabanye****UMBUZO 1: 'UZANGENZANI'**

Funda isiqetjhana esilandelako bese uphendula imibuzo.

**ITHEKSTHI A**

'Kubenjani azisasebenzi uyongithakela ngobutjha. He! Konje banjalo abanye abafazi, bayakuthanda ukufaka amadoda intasinga ... konje bathi yini nje? Mku ... nx! Konje yini kanti? Wo! Yikorobela. Unamala-ke lapho, angeze wakubona lapha kimi. Ha! Uhlangene neembila zithutha zidoswa ngemhlophe phambili. Afake bani? Mina? Pthu! Naka.' Utjho ukhafula amathe akhambisana nesilikihla sesikhohlela. 5

'Nami angingavumeli usathana adlale ngami. Nasibuyela eqinisweni wenziwa nakukuthi ekhabo bayamumela. Angithi yingonongono nekakha ipera kaS'diya. Ngimbeke mariya, linye lakhe. Konje bontanga abakhohlisana nabangani ekuthiyeni amadoda amabizo.'

Ithi ingakhamba ikoloyi, umfazi aphuthaphuthe msinyana nazokusebenzisa phambili. 10  
'Mm! konje umma uthe ngize nesila yakhe yedinini, wothi ngifune. Usibekephi isincwada abekasimbethe izolo ebusuku.'

[Ikhasi 4–5]

- 1.1 Tlola bona ubelethwa kwabani uNomoya. (1)
- 1.2 Ngubani obonakala alawula ipilo kaNomoya ukuya ngokwendatjana le? (1)
- 1.3 Tlola okuhlathulula bona kwaTjhejeni bababantu abangatlhagiko. (1)
- 1.4 Hlathulula izinto EZIMBILI ezenziwa nguNomoya emva kokukhamba kukaTjhejeni. (2)
- 1.5 Ngephuzu ELILODWA akhe uveze bona uNomoya wafika njani ekhabo emva kobana uTjhejeni akhambe ngekoloyi. (1)
- 1.6 Veza okufanako phakathi kwezenzo zikaNomoya nonina ukuya ngendatjana engehla le. Ipendulwakho ayibe liphuzu ELILODWA. (1)
- 1.7 Unina likaNomoya wayesithethe kubani isihlahla ebekazosisebenzisa mhlana uSponono awela ngemanzini? (1)

- 1.8 Hlathulula isehlakalo ESISODWA esiveza uNomoya amlingisi:
- (a) Onganatjhejo emndeninakhe wakwaSithole (uTjhejeni noSponono). (1)
- (b) Odelelako. (1)
- 1.9 Indatjana le iveza isizinda sesikhathi sakade nesanje. Hlathululula iphuzu ngaLINYE elisekela iinkhathezo. (2)
- 1.10 Hlathulula isehlakalo esiveza irarano hlangana nabalingisi esenzeka bona uNomoya afike ekhabo. (2)
- 1.11 Ucabanga bona ngiwuphi umlayezo umtlozi alinga ukusethulela wona ngesehlakalo sokobana uSponono awele ngemanzini agcine ahlolongakale. (2)
- 1.12 Tshwaya ngelihlo elibukhali isitlhozi sendatjana engehla le. (2)
- 1.13 Ngokucabanga kwakho ingabe indatjana le IYAKHOLWEKA nofana AYIKHOLWEKI. Sekela isiqunto osithathako ngephuzu ELILODWA. (2)
- [20]**

## UMBUZO 2: 'ISIKHUNDLA MADODA'

Funda isiqetjhana esilandelako bese uphendula imibuzo.

### ITHEKSTHI B

'Manje-ke Skhosana ngifuna ungiphe umbono bona ngubani esingamkhuphula esikhundleni sakhe, athathe isikhundla sakaMotha? Ngaphambi kobona uphefumule, ngifuna ungalibali bona uMotha bekafundile. Kungalokho nakubhenyogwako ubakghona ukunibiza abambe umhlangano nani, nikhulumisane. Kungalokho ubakghona ukungeluleka bona ngenzeni, ukuze iinhiziyo zenu nokuphatheka kwenu la ekhamphanini kubemnandi. Manje bakhona nokho abafunde pheze njengoMotha, kanti-ke nawe nanyana ungakafundi kangako, kodwana uyisebenzele i-Old Mutual. Phefumula-ke Skhosana ngizwe.'

5

Wathi bona ezwe uSkhosana bona uMotha ubhubhile, kwamfikela bona, ithuba ngelakhe. Wacabanga ngekantorweni kwaBotha waqeda bona isikhundla sobunduna, sokuphatha kade asililela. Kade balila la ekhamphanini balila ngoMotha, kesinye isikhathi bamthomele namala. Namhlanje-ke uSkhosana uthole ithuba lokusithola isikhundla sokuba sisandla sakaBotha.

10

[[khasi 47–48]]

- 2.1 Tlola iimbongo zabantu ebakhuluma etheksthini engehla. (2)
- 2.2 Tlola isizathu sokubhubha kwakaMotha. (1)

- 2.3 Veza igama lekhamphani ekukhulunywa ngayo ngehla. (1)
- 2.4 Rhunyeza izinto EZIMBILI ezihle ebezenziwa nguMotha lokha abasebenzi nababhenyogako. (2)
- 2.5 Veza umehluko phakathi kwakaMotha noSkhosana ngokweemfundo zabo. (2)
- 2.6 Hlathulula isizinda sesikhathi esivezwa endatjaneni le. Sekela ipendulwakho ngephuzu ELILODWA. (2)
- 2.7 Ucabanga bona isenzo sakaSkhosana sokwala bona abasebenzi bakhutjhulelwe imirholo, bathengelwe iinkoloyi abanye bebakhutjhulelwe eenkhundleni eziphezulu simveza amlingisi onjani? Ipendulwakho ayibe liphuzu ELILODWA. (2)
- 2.8 Hlathulula ummango omunyethwe yindatjana le. Ipendulwakho ayibe liphuzu ELILODWA. (2)
- 2.9 Phendula isitatimende esingenzasi ngoLIQINISO nofana AKUSILO IQINISO bese usekela isiqunto osithathako ngephuzu ELILODWA.
- Izenzo zakaSkhosana beziveza bonyana uyasifuna isikhundla sokuba lisekela lakaBotha ebekungesakaMotha. (2)
- 2.10 Tshwaya ngelihlo elibukhali ngesifundo esitholakala endatjaneni le. Ipendulwakho ayibe liphuzu ELILODWA. (2)
- 2.11 Coca ngelihlo elibukhali ukukhambelana kwendatjana le nesihloko sayo esithi 'Isikhundla Madoda'. Ipendulwakho ayibe liphuzu ELILODWA. (2)

**[20]****IMITLOMELO YESIGABA :A 40**

**ISIGABA B: IINOLWANA****TJHEJA:**

- Isigabesi sinemibuzo EMIBILI, UMBUZO 3 noMBUZO 4.
- Phendula IMIBUZO YOMIBILI.

**AYIKHULUNYELWA EZIKO – RN Mahlangu nabanye****UMBUZO 3: 'INDODA NENYONI'**

Funda isiqetjhana esilandelako bese uphendula imibuzo.

**ITHEKSTHI C**

Kwakukhona indoda. Indoda le yabophela iinkabi zayo yayokulima, yatjala isiphila. Yathi bona iqede yabuyela ekhaya nesipani sayo yasipanulula. Ngelanga elilandelako yavuka kusesekuseni yayokuhlola bona isiphila sayo siyaphuma na. Yathi nayifikako yafese yabamba ongenzasi nayithola sekumile ikhula nesimu ithe ngamagadekazi. Indoda yakhuza yababaza yathi: 'Mhlolo izolo bengilime kuhle.' 'Manjesi kwenzenjani?' 5  
Yabuyela ekhaya yayokubophela iinkabi zokuzokulima godu.

Nangambala yathi ingazibophela yanqopha emasimini yalima, yatjala. Yathi ebasaneni; 'Khambani neenkomezi ekhaya.' Yona yalala ngemseleni yaphakamisa isandla. Yathi isalele njalo ingakatjheji yezwa ngento ithi tlho phezu kwesandla. Inyoni yayidlumbana bona isandla sendoda sigodo. Yathoma yavuma yathi: 10

'Magade wovumbu! Vumbu!  
Magade cime! Cime!  
Magade wovumbu! Vumbu!'

[Ikhasi 20]

- 3.1 Tlola abalingisi ABABILI abatholakala esiqetjhaneni esingehlesi. (2)
- 3.2 Hlathulula unobangela wokutholakala kwekhula namagade esimini yendoda le egade ilinyiwe beyatjalwa. (1)
- 3.3 Rhunyeza indlela indoda le eyararulula ngayo umraro lo egade iqalene nawo. Ipendulo ayibe maphuzu AMABILI. (2)
- 3.4 Veza bona inyoni le yayicabanga bona siyini isandla sendoda le eyahlala phezu kwaso. (1)
- 3.5 Bewuyini umnqopho wendoda le wokulala ngemseleni ingabuyeli ekhaya njengoba umsebenzi besele uphelile nje? Ipendulo ayibe liphuzu ELILODWA. (1)
- 3.6 Hlathulula iqhinga elasetjenziswa yinyoni ekuzivikeleni bona indoda le ingayibulali. (1)

- 3.7 Ucabanga bona ngisiphi isifundo esisivezelwa yinolwani le khulukhulu nasiqala ngehlangothini lababelethi. Ipendulo ayibe liphuzu ELILODWA. (2)
- 3.8 Hlathulula isisusa serarano enolwaneni le. Ipendulwakho ayibe liphuzu ELILODWA. (2)
- 3.9 Khetha ipendulo enembako kilezi ezilandelako.
- Nasiqala imileyo yesakhiwana singathi umtloli bekanqophe ukufikisa inolwana le e ... ngokwenza bona inyoni le iragele phambili nokumilisa ukhula esimini yendoda le amahlandla amanengi.
- A singenisweni  
B tjaraganweni  
C sitlhorini  
D siphethweni (2)
- 3.10 Ingabe umtloli uphumelele ukusithulela isingeniso esinembako enolwaneni le? Sekela ipendulwakho ngamaphuzu AMABILI. (2)
- 3.11 Tshwaya ngelihlo elibukhali ngesenzo senyoni sokubawa bona ibekwe erhodlweni igidele abantwanabo. Ipendulwakho ayibe liphuzu ELILODWA. (2)
- 3.12 Ingabe isenzo sabentwanaba sokutjela abangani babo ngenyoni nesokuyivulela bayitjengise abangani babo, SIYAKHOLWEKA nofana ASIKHOLWEKI. Sekela isiqunto osithathako ngephuzu ELILODWA. (2)
- [20]**

**UMBUZO 4: 'UDIMA NODIMAKAZANA'**

Funda isiqetjhana esilandelako bese uphendula imibuzo.

**ITHEKSTHI D****KWASUKELASUKELA!**

UDimakazana wathi: 'Nguye wakwethu, wezandla ezibovana ngaphandle nangaphakathi.'

Ilitje livuleke. Angene uDimana nezinto aziphetheko. Laba likhulu ithabo kwabaswa inyama yeqina neyomqasa kwabaswa nesiphila. Badla basutha sentwala, balala.

Kusasa uDimana wathi kuDimakazana: 'Mntanhu ngisakhamba godu. Ngiyokufuna 5  
kokugoma. Ungavuleli muntu ngiyakuncenga.'

Wakhamba kanti ipisi ibanonile. Yakhamba yaya elitjeni yafika yathi ngelizwi elirhorozako:

'Litje likantunjeembili  
Ngivulela ngingene 10  
Azange ngabonilitje  
Litje leentunjeembili.'

UDimakazana wathi: 'Akusuye wekhaya, wezandla ezibovana ngaphandle nangaphakathi.'

Ipisi yajika yakhamba ilila yaya kunina yathi: 'Mma elitjeni elikhulwapha kunabentwana 15  
ababili. Abentwana bangena nenyama ngaphakathi kwalo. Nangithi abangivulele  
ngingene abafuni.'

[Ikhasi 26–27]

- 4.1 Tlola izinto EZIMBILI ezeza noDimana nakayokuzuma. (2)
- 4.2 Ngisiphi isibandana esabona uDima nakayokuzuma kwesibili. (1)
- 4.3 Veza umehluko obewukhona phakathi kwepisi noDimana okwakwenza bona uDimakazana avule nofana angavuli. (1)
- 4.4 Hlathulula unobangela owenza bona aboDimakazana bagcine bahlala elitjeni elintunjambili. Ipendulwakho ayibe maphuzu AMABILI. (2)
- 4.5 Ngiliphi iqhinga elenziwa nguDimana ukwenzela bona bakghone ukusika inyama nakabuya ukuyokuzuma. (1)
- 4.6 Hlathulula isiyeleliso esanikelwa yipisi emntwaneni wayo ukuqinisekisa bona uDimakazana uyayivulela. (1)



- 4.7 Ukuya ngenolwani engehla le, ingabe uDimana uvezwe amlingisi onjani? Ipendulwakho ayibe maphuzu AMABILI. (2)
- 4.8 Ucabanga bona inolwani le izeza siphi isikhathi. Sekela ipendulwakho ngephuzu ELILODWA. (2)
- 4.9 Phendula ngoLIQINISO nofana AKUSILO IQINISO bese usekela ipendulwakho ngephuzu ELILODWA.
- Umntwana wepisi begade alambeke inyama eyayiza noDimana nayizakungena elitjeni elintunjambili. (2)
- 4.10 Hlathulula isifundo osithole enolwaneni le. Ipendulwakho ayibe liphuzu ELILODWA. (2)
- 4.11 Tshwaya ngelihlo elibukhali bona ngubani umlingisi oyikutani enolwaneni le. (2)
- 4.12 Coca kabanzi ngesiphetho senolwani le. (2)
- [20]**

**IMITLOMELO YESIGABA B: 40**  
**INANI LOKE: 40**